

## Evening Dogri News Bulletin,

11 September 2024 18:15 Hrs

### Headlines

- प्रधानमंत्री नरेंद्र मोदी होरें आखेआ ऐ जे उंदी सरकारै इस दहाके दे अखीरै तगर मुलख दे इलैक्ट्रानिक खेत्तर गी 50 ज्हार करोड़ अमरीकी डालरें दा उद्योग बनाने दा लक्ष्य मित्थे दा ऐ।
- प्रधानमंत्री होरें आखेआ ऐ जे दुनिया दे मुलख हुन इस गल्लै गी समझा करदे न जे जलवायु परिवर्तन छडा भविक्ख दा मामला नेई ऐ कीजे एहदे असर मजूदा समें च बी मैहसूस कीते जा करदे न।
- राष्ट्रपति द्रौपदी मुर्मू होरें राष्ट्रपति भवन च अज्ज नसें गी राष्ट्री Florence Nightingale पुरस्कारें कन्नै सम्मानित कीता ऐ।
- नमीं ते अक्षय उर्जा मैहकमे दे केंद्री मंत्री प्रहलाद जोशी होरें आखेआ ऐ जे उर्जा दे खेत्तर च आत्मनिर्भर बनने लेई भारत आस्तै पर्यावरण दे अनुकूल ग्रीन हाईड्रोजन दा उत्पादन करना अत्त लाजमी होग।

<><><><><><>

### PM-Semicom

प्रधानमंत्री नरेंद्र मोदी होरें अज्ज ग्रेटर नोएडा च सेमीकॉन इंडिया 2024 दा उद्घाटन कीता। त्रऊं दिनें दे इस कार्यक्रम दा विशेसार ऐ “सेमीकंडक्टर दे भविक्ख गी आकार देना”। उनें आखेआ जे सेमीकंडक्टर भारत कुल संसारी दे खेत्तर च अब्बल लीडरें दी भागीदारी दा साक्षी बनोग ते भारत सेमीकंडक्टर पावरहाउस बनने दे हर जत्त करोग। इस सम्मेलन दा मकसद भारत दी सेमीकंडक्टर रणनीति ते नीति दा प्रदर्शन करने दे कन्नोकन्नी भारत गी सेमीकंडक्टर दे इक्क वैश्विक केंद्र दे रूपै च स्थापित करना ऐ। अपने संबोधन च प्रधानमंत्री होरें इलेक्ट्रानिकस ते सेमीकंडक्टर उद्योग गी बढ़ावा देने आहलियें पैहलकदमियें बारै गल्लबात कीती ते आखेआ जे सरकार दा मकसद इस दहाके दरान इलेक्ट्रानिक्स उद्योग गी 500 बिलियन डॉलर तगर पजाना ऐ। उनें डिजिटल इंडिया पैहलकदमी दा जिक्र करदे होई आखेआ जे भारत च एहदा बड़ा गै मता असर होआ

ऐ। पैहले अस्स दुए मुल्खें थमां मोबाइल फोन मंगवांदे हे, जिस्सले के हुन भारत मोबाइल फोनें दे निर्यात ते उत्पादन च दुए नम्बरें पर ऐ। इस मौके बोलदे होई इलेक्ट्रनिक्स एंड इंफार्मेशन मंत्री अश्विनी वैष्णवप होरें आखेआ जे डिजिटल इंडिया ते टेलीकॉम मिशन दी मदाद कन्नै सरकारै टेक्नोलॉजी गी लोकें दे हत्थें च पजाई दित्ता ऐ ते समीकंडक्टर उद्योग कन्नै इस नजरियै गी मुल्खे च होर मता बाद्दा मिलोग। आकाशवाणी संवाददाता दी जानकारी मुजब सेमीकंडक्टर इंडिया कुल संसारी खेत्तर च अब्बल लीडरें दी भागीदारी दी साक्षी बनोग। एहू सम्मेलन वैश्विक नेताएं, कंपनिएं ते माहिरें गी कट्टे इक्क मंच पर आहनोग। एहूदे च 250 शा मते प्रदर्शक ते 150 वक्ताएं हिस्सा लैता। प्रधानमंत्री होरें इस सम्मेलन च इब्बी आखेआ जे भारत सेमीकंडक्टर दे खेत्तर च अपनी वैश्विक जिम्मेदारी गी पंछानदे होई इस बत्तै पर अग्गे टुरा'रदा ऐ।

<><><><><><>

### PM-Climate

प्रधानमंत्री नरेंद्र मोदी होरें इस गल्लै पर जोर पाया ऐ जे जलवायु परिवर्तन ते उर्जा दे खेत्तर च बदलाव कुल संसारी सतह दिआं चुनौतियां न ते पर्यावरण दे मुआफिक ग्रीन हाइड्रोजन गी बढावा देने लेई अंतरराष्ट्री सतह दी सांझ-भ्याली अत्त लाजमी ऐ। ग्रीन हाइड्रोजन बारै आयोजित अंतरराष्ट्रीय सम्मेलन गी अज्ज वर्चुअल ढंगगै नै संबोधित करदे होई प्रधानमंत्री होरें इस गल्लै पर लोऽ पाई जे आपसी सहयोग दे राहें तेजिआ कन्नै उत्पादन बदाने, लागत घट्ट करणे ते ढांचागत सुविधाएं दे निर्माण च मदाद थहोग। उनें आखेआ जे हुन दुनिया दे मुल्ख इब्बी समझा करदे न जे जलवायु परिवर्तन छड़ा भविक्ख दा गै मामला नेई ऐ कीजे एहूदा असर मजूदा समें च बी मैहसूस कीता जा'रदा ऐ। धरतै गी साफ-सुथरा ते हरा-भरा बनाने दी भारत दी बचनबद्धता गी दोहरांदे होई मोदी होरें आखेआ जे भारत पर्यावरण दे अनुकूल उर्जा बारै पेरिस समझौते गी पूरा करने आला पैहला जी-20 मुल्ख ऐ ते इनें लक्ष्यें गी 2030 दे निशाने थमां 9 बरे पैहले हासल करी लैता गेआ ऐ। मोदी होरें आखेआ जे भारत दी गैर जीवाष्म ईंधन दी समर्थ पिछले 10एं बरें च 300 गुणा ते सौर उर्जा समर्थन 3 जहार गुणा बधी गेई ऐ।

<><><><><><>

### PM-PMAY



मुख्य सचिव अटल डुल्लू होंरें अज्ज श्रीनगर च जम्मू-कश्मीर दे तकनीकी शिक्षा बोर्ड दे कम्मकाज दा व्यापक जायजा लैता ते प्रदेश दे तकनीकी शिक्षा इदारे च विद्यार्थिं गी लोडचदी सिखलाई ते मय्यारी शिक्षा दे महत्व पर जोर दित्ता। इस मौके पर उनें तकनीकी शिक्षा बोर्ड पर जोर पाया जे ओहू पालिटेक्निक कालजें ते औद्योगिक सिखलाई संस्थानें यानि आई.टी.आई इदारे गी सिखलाई आले ऐसे गढ बनान जित्थुआं औद्योगिक ते तकनीकी किस्म दिं नौकरिं लेई बेहतरिन किस्म दा अमला तैयार कीता जाई सकै। डुल्लू होंरें आखेआ जे इनें इदारे थमां पास होइयै निकलने आले विद्यार्थियें दे रोजगार दे मौकें दी दर बदाने आस्तै बोर्ड गी लोडचदा ऐ जे ओहू विद्यार्थिं गी बजार दे स्हाब कन्नै लोडचदे हुनरें कन्नै लैस बनान।

<><><><><><>

### Athlete-Meet REasi

रियासी दे डिप्टी कमिशनर विशेष महाजन होंरें अज्ज इंटर डिस्ट्रिक्ट एथलीट मीटर 2024 दा उद्घाटन कीता। एहू मलाटी हर उमरै दी कुडियें आस्तै जनरल जोरावर सिंह स्पोर्ट्स स्टेडियम रियासी च रक्खी गेदी ही। इस समारोह दा आयोजन जम्मू दे युवा सेवाएं ते खेडू विभाग आस्सेया कीता गेदा हा। एहूदे च जम्मू प्रांत दे सब्बनें जिलें थमां 250 थमां मतियां महिला एथलीट शामिल हियां। इस मौके पर बोलदे होइ, रियासी दे डिप्टी कमिशनर विशेष महाजन होंरें आखेआ।

<><><><><><>

ते हुन बाकी दिं खबरें कन्नै सोनाली दत्ता।

### President-Florance

राष्ट्रपति द्रौपदी मुर्मू होंरें अज्ज राष्ट्रपति भवन नमीं दिल्ली च नसें गी 2024 दे नेशनल फ्लोरेंस नाइटिंगेल अवार्ड्स प्रदान कीते। एहू अवार्ड 1973 थमां सेहत ते परोआर कल्याण मंत्रालय आस्सेया नसें गी उंदी समाज लेई सराहनीय सेवाएं आस्तै दित्ते जंदे न।

<><><><><><>

## Joshi-Green Hydrogen

नमीं ते अक्षय उर्जा मैहकमे दे केंद्री मंत्री प्रहलाद जोशी होरें आखेआ ऐ जे उर्जा दे खेत्तर च आत्मनिर्भर बनने आस्तै भारत लेई पर्यावरण दे अनुकूल ग्रीण हाईड्रोजन दा उत्पादन अत्त लाजमी होग। अज्ज नमीं दिल्ली च ग्रीन हाईड्रोजन बारै लोआए गेदे दुए अंतरराश्ट्री सम्मेलन गी संबोधित करदे होई जोशी होरें आखेआ जे ग्रीन हाईड्रोजन दा उत्पादन भारत गी एमोनिया ते कुदरती गैसें दे आयात घट्ट करने ते 2030 तोहडी कार्बन डाईआक्साइड दे उत्सर्जन गी ढाई करोड़ मीट्रिक टन तगर घट्ट करने च मदाद करोग। उनें आखेआ जे एहदे कन्नै 8 लक्ख करोड़ रपे दी रास-पूंजी औग ते कम्म रोजगार दे 6 लक्ख शा मते मौके बी पैदा होडन। जोशी होरें मेद जाहिर कीती जे भारत बडी तौले गै ग्रीन हाईड्रोजन दे उत्पादन दे मामले च दुनिया च इक अहम थाहर हासल करी लैग। आकाशवाणी खबरें कन्नै गल्लबात करदे होई वैज्ञानिक अरूण कुमार त्रिपाठी होरें आखेआ जे एह सम्मेलन दुनिया दिएं तकनीकी पैहलकदमिं गी मता गतिशील बनाग ते पर्यावरण दे अनुकूल उर्जा दे लक्ष्यें गी हासल करने च बी मदाद करोग।

<><><><><><>

## SVEEP-Kishtwar

किश्तावाड जिले च स्वीप तैहत इक्क लोकतांत्रिक मिनी मैराथॉन दा आयोजन कीता गेआ जेदा विषय हा “मतदान में भागीदारी किश्तवाड की जिम्मेदारी“। एह मिनी मैराथॉन डी.सी दफ्तरै कम्प्लैक्स थमां निकलियै जैलना पुलस चैक पोस्ट ते किश्तवाड पाडर शिडक उप्पर बेरवार सैफरन पार्क थमां होइयै परतियै डी.सी दफ्तर कम्प्लैक्स जाई पुज्जी। इस मौके पर बोलदे होई जिला नोडल अधिकारी स्वीप कुलदीप कुमार होरें आखेआ।

<><><><><><>

## Observer-Meet Rajouri

राजौरी जिले च आम निगरान होरें 5एं असेंबली हल्के लेई उच्च सतह पर कट्टी बैठक रक्खी। इस बैठक दा मकसद चुनां दी तयारियें दा मूल्यांकन करना ते होर बेहतर बनाना हा। इस बैठक च खास करियै आचार संहिता दे कनूनें

पर तैह चुनावं आस्तै ढांचागत ते रसद बवस्था उप्पर जोर पाया गया तां जे चुनावं रमानदारी आहले ढंगे सिरै होना। शुरूआत च गल्ल करदे होई जिला चुनावं अधिकारी अभिषेक शर्मा होरें आखेआ।

<><><><><><>

### SVEEP-Udh

उधमपुर पच्छिम असेम्बली हल्के च औने आले विधानसभा चुनावं लेई पंचैरी दे पंजर इलाके तगर चुनावं अभियान जोर फगडा'रदा ऐ। एह अभियान सरबंधी रिटर्निंग अधिकारी हुंदी दिक्ख-रिक्ख च चला'रदा ऐ। जिला प्रशासन, मकामी लोकें ते शिक्षा इदारें दे जत्तें कन्नै एह स्वीप अभियान दूर-दराज दे इलाकें पर होआ'रदा ऐ। इस मौके बोलदे होई स्वीप सरबंधी नोडल अधिकारी राजेश गोरखा होरें गलाया।

<><><><><><>